

台語音樂劇：幸福的歌詩

創作理念：

筆者以作曲者的角度進行本台語音樂劇之劇本與音樂之創作，故劇中所有歌曲的旋律及整體的音樂皆在劇本創作時同步創作之。此部作品融合了本土美食文化、武俠與愛情等元素作為主要創作素材，企圖以搞笑的方式營造出另類的情感美學。

值得一提的是，因應音樂劇富含歌曲的本質與特色，劇中大部份的台詞，主要以歌唱的方式呈現，而所有非歌唱部份的台詞，則以特殊的唸歌(liam7-kua1)方式呈現；此外，唸歌部份的台詞並搭配豐富的擊樂鑼鼓點加以襯托之。屆時本音樂劇演出時，將富含獨唱、二重唱(男女主角深情對唱)、三重唱、多重聲部之重唱與眾人大合唱之演出形式的多首歌曲。

就歌詞部份的設計而言，以淺顯易懂、富音韻之美為創作之原則。就音樂設計的層面而言，則維持筆者向來的音樂創作風格，採用融合傳統與現代的音樂語法，高度運用本土素材作為音樂創作之元素，並致力追求雅俗共賞之音樂境界。

筆者認為，平淡卻雋永有味的幸福，實為最難能可貴的幸福。希望能透過此部詼諧逗趣的輕喜劇，傳遞出積極正面的人生意義；並盼能帶給人們一些歡笑、感動、愛與希望。

劇情大綱：

幸福村，是全世界最幸福的地方；而幸福村村民的安全，長年由幸福幫與正義劍派共同守護。這一天，幸福幫與正義劍派兩幫的幫主宣佈開始推行「雙人共修」的制度，於是，兩幫的男女弟子，從此展開兩人一對、一起練武的日子……

當大劍癡江宇，遇上聰慧不凡，卻不喜歡練武的小仙女李月梅時，兩人之間，將會發生什麼有趣的事情呢？且讓我們隨著劇中的人物們，一同品嚐在地美食，並一同走過春、夏、秋、冬裡，每個平凡卻備感溫馨的日子吧！

主要人物介紹：

(一) 幸福幫部份

徐梅英：幸福幫的幫主，其高超的輕功與醫術名聞遐邇，是幸福幫所有女弟子的師父。

李月梅：幸福幫裡輕功與醫術第一的弟子，人稱小仙女。外表可愛迷人、氣質靈動，雖然聰慧不凡、輕功絕佳，卻不喜歡練武功，最大的弱點是無法抵抗美食的誘惑。

李月蘭：幸福幫裡的大師姊，人稱大仙女。具有溫婉可人、賢妻良母之氣質，一直像個大姊姊一樣照顧幸福幫的師妹們。

李牡丹：幸福幫裡年紀最輕的弟子。個性善良大方，熱情活潑，仰慕范姜孔明已久。

(二) 正義劍派部份

張正義：正義劍派的幫主，擁有出神入化的劍術與高深莫測的內功修為，
是正義劍派所有男弟子的師父。

江 宇：正義劍派裡劍術第一的大弟子。外表俊逸瀟灑、氣宇不凡，實
則為一位眼中只有劍譜與食譜的大劍癡。

張阿誠：留著滿臉的落腮鬍，個性豪爽耿直，不拘小節，擅長揮舞大刀，
講話時喜歡以「恁爸」作為發語詞。

范姜孔明：正義劍派裡最年輕的弟子。外表為文質彬彬的書生模樣，因
其足智多謀，故有「小孔明」之綽號。

演出長度：

約七十分鐘

台語聲調淺釋：


以下謹引用李勤岸的《臺灣羅馬字拼音圖解》一書中的聲調表與張清郎所著的〈臺灣歌曲之「字調、詞句調」(Words)與「曲調、歌調」(Melody)之美學關係〉中的聲調介紹表，將之結合為一表以論述台語各聲調的特色。詳見下方圖表

1：聲調與調值符合表圖表 1：聲調與調值符號表。

調值符號								
聲調的音質特色	高、平、長	高降	低降	中、塞、斷	低升	高降	中平	高、塞、斷
五度制	55	53	21	2	13	53	33	4
台羅調號		↘	↙		↗	↘	—	⋮
數字調號	1	2	3	4	5	6=2	7	8
聲調口訣	sann 衫	té 短	khòo 褲	khuah 闊	lâng 人	é 矮	phīnn 鼻	tīt 直
	sai 獅	hóo 虎	pà 豹	pih 鱉	kâu 猴	káu 狗	tshiūnn 象	lók 鹿
	ku 龜	tsáu 走	thòo 兔	jiok 逐	kâu 猴	tsáu 走	tshiūnn 象	liáh 掠
	sng 酸	khóo 苦	tshàu 臭	siap 澀	kiâm 鹹	tsiánn 洪	khiū 泉	liáp 粒
	suann 山	tsuí 水	tshù 厝	piah 壁	hûn 雲	hái 海	tshiū 樹	bók 木

台語有著極其複雜的變調原則，除了固定的變調規則外，台語還有仔變調跟不固定的特殊變調；在此筆者謹簡單地以此圖表介紹之，本圖表引用自李勤岸的《臺灣羅馬字拼音圖解》一書的連續變調單元。詳見下方圖表 2：變調基本規則表。

圖表 2：變調基本規則表。



劇本正文：

{第一幕}

□ 白：[唸唱] 時逢立夏，南風徐徐……

眾 人：[歌唱]

幸福村，
是全世界上(siong3)幸福的所在，
啊!幸福村內的所有的人，
逐家(Tak4-ke3)親像兄弟姊妹，
親像姊妹兄弟，
逐工(Tak4-kang1)攏過著快樂的日子；
閣(Koh8)有幸福幫佢(kah8)正義劍派，
兩幫做陣(tsue2-tin7)守護幸福村，
兩幫做陣守護幸福村!

□ 白：[歌唱]

這一日，
猶閣是兩幫舉辦聯合大會的日子，
午時一到，
全部的弟子紛紛來到大廳內，

準備開會。

張正義：[歌唱]

諸位弟子詳細聽，

梅英佻我決定推行「雙人共修」(siang7-jin5 kiong3-siu1)的制度；

兩人一對，

一男配一女(li2)，

同齊練劍，

做陣練輕功(khin7-kang1)。

徐梅英：[歌唱]

三個月以後，

咱就會舉辦比武大會；

每一對共修，

輪流展示雙劍招式(tsiau7- sik4)。

佻(To1)一對著頂(tioh4 ting2)，

就會當得著……

眾人：[歌唱] 得著啥物(siann1-mih4)?

徐梅英：[歌唱] 神奇劍譜佻梅香食譜!

江宇佻李月梅：[歌唱] 神奇劍譜佻梅香食譜!

張正義：[歌唱] 另外閣有……

江宇、張阿誠、范姜孔明、李月梅、李月蘭佻李牡丹：[歌唱] 閣有啥物？

張正義：[歌唱]

前三名會當得著(tik8 tloh4)，

兩幫收藏的秘密武器。

明仔載開始，

每一對共修，

就愛做伙練武！

共修的名單已經抽籤決定好囉！

請逐家等一下來我遮(tsia1)查看。

江宇、張阿誠、范姜孔明：[唸唱] 是！弟子遵命！

張阿誠：[唸唱] 大師兄，你抽著啥人(siann1-lang5)？

江宇：[唸唱] 我抽著李月梅。

張阿誠、范姜孔明：[唸唱] 大師兄，你的運氣哪會遮爾好，竟然抽著——超級

可愛、聰慧不凡、醫術第一、轟動武林、輕功蓋世的小仙女

(sian7-li2)！

江宇：[唸唱] 遮爾厲害！

范姜孔明：[唸唱] 可惜啊可惜！

張阿誠：[唸唱] 這是按怎(an1-tsuann1)講？

范姜孔明：[唸唱] 大師兄，一位大劍痴，眼中只有劍譜佻食譜，食譜佻劍譜；

小仙女來配劍癡，實在是真拍損(phah8-sng2)!

張阿誠：[唸唱] 原來如此!

范姜孔明：[唸唱] 阿誠你咧?你抽著啥人?

張阿誠：[唸唱] 哇哈哈哈哈!卯死矣(Bau2-si3--ah4)!恁爸抽著江湖傳說第一美人的

大仙女李月蘭!孔明師弟，你抽著啥人?

范姜孔明：[唸唱] (強欲哭的模樣)我……我……我抽著……

李牡丹：[唸唱] (仆起去攬牢牢)孔明哥哥，咱兩人真是天生一對!月老來牽線，姻

緣天註定，無人會當來拆散!

范姜孔明：[唸唱] 我一苦一啊!

{第二幕}

□ 白：[唸唱] 隔轉工(Keh2-tng1-kang1)，練武的時辰已經到囉!但是……

江 宇：[歌唱]

大師兄，

佇樹下，

癡癡等，

等無人。

李月梅：[歌唱]

大師兄，

對不住，

小師妹無愛練劍，

只好偷偷覘(bih8)佇樹頂，

你練劍，

我練輕功。

江 宇：[歌唱]

一工、兩工，

兩工、三工，

逐工攏等無人影!

江 宇：[唸唱] 按呢袂使哩(bue3-sai3--lih4)，我一定愛想一个解決的辦法。啊!

毋知這招有效無，明仔載就來試看覓(tshi2-khuann2-mai7)!

口 白：[唸唱] 隔轉工，猶閣是練武的時辰……

李月梅：(深吸一口氣) [唸唱] 這是啥物物件(mih4-kiann7)?遮爾仔香! (閣深吸一口

氣)我從來毋捌(m3 bat8)鼻過(phinn7-kue3)!

江 宇：[唸唱] 小師妹，緊落來!大師兄拄(tu1)開發一路新菜色，緊來鬥試食(tau2

tshi2-tsiah8)，看有好食無?

李月梅：(聽著了後，趕緊對樹頂跳落來，乖乖現身)

江 宇：[歌唱]

芙蓉翠玉炊龍蝦，

李月梅：(食甲真好食欸)

江 宇：[歌唱]

等一下猶閣有……

李月梅：(雄雄擰頭、目睷擘金)擱有啥物?

江 宇：[歌唱]

蓮香干貝燻(tim3)雞湯!

李月梅：[歌唱] 陣陣飄香啊!清(Tshin2)心脾! (共物件食共清氣溜溜)

李月梅：[唸唱] 大師兄，你真是天才!我從來毋捌食過遮爾好食的物件!真是天下

第一的滋味! (比一个讚)

江 宇：[唸唱] 師兄我猶閣有真濟手路菜，你敢想欲試食？

李月梅：[唸唱] 當然想啊！

江 宇：[唸唱] 啊無按呢啦！只要你逐工佢我做伙練武，一个時辰就好，師兄我就每一工做無仝款(bo7 kang3-khuan2)的手路菜請你食！按呢你看好毋好？

李月梅：[唸唱] (再三考慮)好啦！干焦(Kan7-na7)一个時辰喔！

江 宇：[唸唱] 這是當然！按呢咱就一言為定！

李月梅：[唸唱] 好！

江 宇：[歌唱]

紅燒魚、蚵仔煎，

李月梅：[歌唱]

蚵仔煎！

江 宇：[歌唱]

芳絳絳(Pang7-kong2-kong3)的炒米粉，

李月梅：[歌唱]

炒米粉！

江 宇：[歌唱]

閣來一碗滷肉飯，

李月梅：[歌唱]

滷肉飯!

江 宇：[歌唱]

會記得夾一寡(ngeh2--tsit4-kua1)瓜仔脯!

李月梅：[歌唱]

瓜仔脯!

江 宇：[歌唱]

蕃薯糜(Han7-tsi7-muai5)、菜脯卵(tshai2-poo1-nng7)，

李月梅：[歌唱]

菜脯卵!

江 宇：[歌唱]

上好配一喙(tsit4 tshui3)鳳梨豆乳(ong7-lai7 tau3-li2)!

李月梅：[歌唱]

豆乳!

江 宇：[歌唱]

麻油麵線、參仔雞(som7-a1-ke1)，

李月梅：[歌唱]

參仔雞!

江 宇：[歌唱]

冬天就愛食羊肉爐!

李月梅：[歌唱]

羊肉爐!

江 宇：[歌唱]

只要你會當講出菜名，

李月梅：[歌唱]

無論大菜小菜，

抑是山珍海味，

江 宇：[歌唱]

大師兄攞煮予(hoo3)你食!

李月梅：[歌唱]

煮予我食!

口 白：[唸唱] 從此以後，每一工，月梅佢江宇攞做陣練武……

李月梅：[歌唱] (做出劍術招式) 鳳凰起舞! (舞動美麗的彩帶劍舞)

江 宇：[歌唱] (運掌) 滄海波瀾! (舞動氣勢不凡的劍術招式)

李月梅：[歌唱] (做出劍術招式) 水仙飄月(phiau7 guat8)! (舞動美麗的彩帶劍舞)

江 宇：[歌唱] (運掌) 砂石飛天(hui7 tian1)! (舞動氣勢不凡的劍術招式)

江 宇佢李月梅：[歌唱]

兩人雙劍，

兩人雙劍，

雷霆萬鈞啊!

兩人聯手威力無底比!

(兩人舞動雙人劍式、精彩過招)

{第三幕}

口 白：[唸唱] 時到中秋，金風飄飄……

眾 人：[歌唱]

中秋佳節，

逐家(Tak4-ke7)同慶!

中秋佳節，

逐家同慶!

逐家來比賽炕(khong2)蕃薯，

逐家來比賽炕蕃薯，

你烘我炕，

你烘我炕!

嗰人(Siann2)會當佇上短的時間內，

催動內功，

烘熟蕃薯，

嗰人(Siann2)就取勝!

眾 人：[歌唱]

中秋月娘真正水(sui2)，

逐家來比賽炕蕃薯!

摧動內功炕蕃薯，

今年啥人會當奪第一?

月餅就愛配茶啲(lim1) ,

炕蕃薯就愛配烘肉!

閣來一支茭白筍 ,

順繼(Sin3-sua2)配一支燒番麥!

張阿誠：[歌唱]

仙女你想欲食啥物?

恁爸馬上來烘予你!

李牡丹：[歌唱]

東喚一聲「哥哥哥哥」(台灣國語) ,

西叫一聲「哥哥哥哥」(台灣國語) ,

這是牡丹的小小心意 ,

請你全部食落去!

范姜孔明：[歌唱]

毋免毋免多謝你(擰手一拜) ,

看著你孔明就真飽氣(拍腹肚)!

眾 人：[歌唱]

賞月食餅真歡喜!

你烘我炕真趣味!

{第四幕}

□ 白：[唸唱] 這一工，天猶未光，所有的男弟子就出門，來去幫忙官府護送

賑災的糧車。這馬，日頭已經落山囉!大部份的人，攏已經轉來囉!

張阿誠佻范姜孔明：[唸唱] 咱轉來啊!

李月梅：[唸唱] 一路辛苦囉!欸(Eh) (貓貓望)，大師兄的人咧?恁敢無做伙轉來?

范姜孔明：[唸唱] 我毋知呢!

張阿誠：[唸唱] 恁爸嘛毋知!

范姜孔明：[唸唱] 乎(Honnh)!小師妹，你逐擺攏干焦關心大師兄，莫非……你、

你、你對伊有意思喔!

李月梅：[唸唱] 哪有啦!你莫(mai2)烏白講! (重重踏孔明一跤後，運起輕功來飛離
開)

范姜孔明：[唸唱] 哎唷(唉呦)! (抱跤喝疼)我的跤啦! (蹠跤雞跳幾囉个)

李月梅：(回房了後，揀開窗仔門沉思)

李月梅：[歌唱]

毋知按怎樣，

阮的眼內，

阮的眼內，

不斷走揣(tsau1-tshue7)、

時常在意彼个俊朗的形影!

毋知何時開始，

阮的心頭，

阮的心頭，

漸漸蹣(tua2)入彼个人!

口 白：[唸唱] 隔轉工透早……

江 宇：[唸唱] 小師妹，我轉來囉!

李月梅：[歌唱]

聽著你的跔步聲，

看著熟識的形影，

聽著你的呼喚聲，

我的心，

我的心，

春暖花開(khuil)!

李月梅：[唸唱] (從去迎接大師兄)大師兄，你終也轉來囉!

江 宇：[唸唱] 歹勢予你擔心囉!

李月梅：[唸唱] 袂啦!只要你平安轉來就好!

江 宇：[唸唱] 因為昨昏(tsang5)欲轉來的時陣，看著一名婦人昏迷不醒，倒佇路中，趕緊將伊偕(ainn3)去大夫遐。今仔日，等伊精神，師兄才敢放心轉來。

李月梅：[唸唱] 原來如此!

江 宇：[唸唱] 著啊(Tioh4--ah4)，你早頓食未?

李月梅：[唸唱] 猶未(Ah8-bue7)。

江 宇：[唸唱] 師兄紮(tsah2)一碗碗粿轉來，你趁燒食!

李月梅：[唸唱] 多謝大師兄!你對月梅世界第一好! (歡喜甲輕抱江宇一下) (然後
手捧碗粿，嚟嚟趟的走出去)

江 宇：(忽然間失神釅笑，毋知欲如何是好) (開始憨笑)

江 宇：[歌唱]

我哪會感覺!

規个(Kui7 e7)人，

頭呆呆、

腦鈍鈍，

心肝咧唸嘍tshainn2!

規个身軀，

酥酥麻麻，

心頭甜物物(tinn7-but8-but4) (幌一下肩胛頭)!

{第五幕}

□ 白：[唸唱] 時到立冬……

□ 白：[唸唱] 這一日透中晝，官府派人送批來。

張正義：[唸唱] 字兒啊，批面頂寫啥物，你唸予逐家聽。

江 宇：[唸唱] 是!最近，村內有真濟的囡仔(gin1-na2)無故失蹤，可能是去予歹
人騙去，偷偷賣去隔壁村做苦工，希望咱會當協助破案。

徐梅英：[唸唱] 竟然有這款的代誌!

江 宇：[唸唱] 守護幸福村，是咱逐家的責任!

李月梅、李月蘭、李牡丹、張阿誠佻范姜孔明：[唸唱] 著啊(Tioh4--ah4)!

江 宇佻李月梅：[歌唱]

幸福村，

是咱代代相傳的所在；

幸福村，

是咱永遠的家園。

眾 人：[歌唱]

啊!咱逐家就來做陣守護，

幸福村內所有的人!

張正義：[唸唱] 看來，咱應該派一個人，假扮作囡仔，混入賊窟，如此一來，
才會當破案!

江 宇：[唸唱] 師父講了真道理!但是，啥人(siang2)會當假扮作囡仔?

張阿誠：[唸唱] (大力頓胸坎)恁爸來就好!這款的歹人，實在可惡!若是予恁爸掠著
(liah4 tioh4)，一定將in7，拍甲塗(thoo5)、塗、塗、塗、塗! (講完馬上就
欲衝出去)

張正義：[唸唱] 阿誠且慢! (將阿誠摸轉來)

江 宇：[唸唱] 師弟，你生做大人大種，恐驚是較無適合啦!

張阿誠：[唸唱] 啊無，啥人(siang2)來假扮才好?

除了李月梅以外的眾人：(紛紛斡頭看月梅)

李月梅：[唸唱] 好啦好啦，我來假扮。

徐梅英：[唸唱] 月梅啊!你家己一定愛注意安全，一切小心!

李月梅：[唸唱] 弟子知影!

口 白：[唸唱] 隔轉工，月梅就假扮做查埔(tsa7-poo7)囡仔(gin7-na2)，伊佇菜市
仔的內面蹺來蹺去(seh4 lai5 seh4 khi3)；江宇佻孔明就覘(bih2)佇邊仔，
等待歹人現身。無倂久，一个阿伯就出現佇月梅的眼前……

歹人阿伯：[唸唱] 來來來，小朋友，綴(tue2)我行，阿伯予你食甜甜!李仔糖、土
豆糖、綠豆糕、紅豆餅，猶閣有蓮子湯!你想欲食佗(to1)一項?

李月梅：[唸唱] 嗯……請問，我敢干焦會當選一項?

歹人阿伯：[唸唱] 幾項攏會勢哩喔!

李月梅：[唸唱] 按呢，我欲愛紅豆餅佻蓮子湯!

歹人阿伯：[唸唱] 好好好，絕對無問題!來來來，綴我行，阿伯tshua3你食真濟

好食物! Hiann、hiann、hiann、hiann、hiann! (奸笑) (兩人愈行愈遠)

江 宇：[唸唱] 我就知!小師妹一定會選紅豆餅佻蓮子湯!

范姜孔明：[唸唱] 這敢是重點? (摸額頭，予人拍敗的模樣)人攏走遠囉!

江 宇：[唸唱] 害啊!這聲(siann1)慘嘛!

口 白：[唸唱] 這一工，一直到半暝，完全攏無月梅的消息；江宇一个人，佇

房間內行來行去，伊感覺——心亂如麻、心急如焚、著急萬分!一向好

暱的江宇，今夜完全暱袂去。

江 宇：[唸唱] 唉，毋知小師妹下暗(ing7-am3)敢有好好食飯?

江 宇：[歌唱]

思念親像滄海，

將我來包圍，

思思念念，

不時牽掛，

心內彼个人影。

思思念念，

不時牽掛，

心內彼个人影!

口 白：[唸唱] 另外一片(ping5)，去予歹人關佇密室內面的月梅……

李月梅：[唸唱] 大師兄，人腹肚有夠枵的(iau1--e1)!月梅開始思念你做的好食的

手路菜!

李月梅：[歌唱]

思念親像滄海，

將阮來包圍，

聲聲呼喚，

你敢知影，

有人佇咧思念你?

聲聲呼喚，

你敢知影，

有人佇咧思念你?

江 宇：[歌唱]

啊!到這馬我才知影，

為何我總是，

對你放袂落心；

因為我，

因為我，

早就已經愛著你!

因為我，

因為我，

早就已經愛著你!

李月梅：[歌唱]

啊!到這馬阮才知影，

為何我總是，

對你心心念念；

因為我，

江 宇：[歌唱]

因為我，

李月梅：[歌唱]

因為我，

江 宇：[歌唱]

因為我，

李月梅佻江宇：(兩人佇舞台兩片斡頭深情對望)

李月梅佻江宇：[歌唱]

早就已經愛著你!

口 白：[唸唱] 隔轉工，天一光……

江 宇：[唸唱] 師父，月梅飼的烏仔送批轉來囉!

張正義：[唸唱] 喔!你趕緊唸予逐家聽!

江 宇：[唸唱] 是!弟子遵命!(拍開批信)梅花林的北方，有一大間破草厝，大門
邊仔有大米甕，內底暗藏密室的開關；對方的人馬有幾囉十个，子時才
動身，比較較安全!

張正義：[唸唱] 噉(Hmh8)，傳令落去，所有的弟子，趕緊去準備，咱逐家就子
時行動，做陣來去剿滅賊窟!

江 宇：[唸唱] 是!弟子遵命!

口 白：[唸唱] 子時一到……

江 宇：[唸唱] 咱來啊!歹勢予你受苦囉!

李月梅：[唸唱] 袂啦!只是，遮的飯菜，歹食甲親像潘(phun1)!

江 宇：[唸唱] 轉去了後，師兄馬上煮一鼎(tiann2)冰糖滷豬腳予你食!

李月梅：[唸唱] 好啊好啊!多謝大師兄!

李月梅佻江宇：[歌唱]

目中只有你，

心內只有你，

心有靈犀打退狂徒!

目中只有你，

心內只有你，

啊!兩人雙劍合力敗敵!

除了李月梅佻江宇以外的眾人：[歌唱]

一刀一劍分毫不差!

江 宇：[歌唱]

一刀一劍分毫不差!

李月梅：[歌唱]

一刀一劍分毫不差!

除了李月梅佢江宇以外的眾人：[歌唱]

一招一式取人性命!

江 宇：[歌唱]

一招一式取人性命!

李月梅：[歌唱]

一招一式取人性命!

眾人(包括李月梅佢江宇)：[歌唱]

啊!拍退歹人!

口 白：[唸唱] 因為對方的人手真濟，雙方拍甲勝負難分；突然間，月梅看著，

一个歹人想欲偷偷仔刺向江宇!月梅袂赴(bue3-hu2)想傷(siunn7)濟，馬

上運起輕功，飛身來到江宇的背後，為伊擋下一刀!

李月梅：[唸唱] 啊! (疼甲強欲倒落去，去乎江宇扶咧)

江 宇：[唸唱] 你受傷啊!阿誠，月梅受重傷，我先 tshua3 伊轉去療傷，遮就交

予恁啊!

張阿誠：[唸唱] 好! (一月講話，一月揮舞大刀繼續對付敵人)一切交予佢爸，絕

對是無問題!

江 宇：(偕月梅轉去療傷)

{第六幕}

□ 白：[唸唱] 時到冬節(tang7-tseh4)，北風陣陣……

江 宇：[唸唱] 小師妹，今仔日咱無欲練劍。

李月梅：[唸唱] 為啥物?

江 宇：[唸唱] 因為我有一件真重要的代誌，想欲對你講。

李月梅：[唸唱] 啥物代誌?

江 宇：[唸唱] 就是——(雄雄跪落來，擰起月梅的手)請你做我的妻子!

李月梅：[唸唱] 啥(Hann5)?你咧講啥物?我哪聽攏無?

江 宇：[唸唱] 我講，請你做我一世人的牽手!

李月梅：[唸唱] 為啥物突然間講這款話?你敢是共我咧講耍笑?猶是感冒發燒?

江 宇：[唸唱] 無啦!我無發燒。只是，自從你受傷以後，我才發現，若是無你在身邊，就算我提(the3)著神奇劍譜恰梅香食譜，一切嘛無意義!請你予我一個機會，予我會當守護你一世人!請你恰我結成連理!咱兩人，生生世世，永遠不分離(手比一對的動作)!

李月梅：[唸唱] 這……

江 宇：[唸唱] 敢講以後，你無想欲試食大師兄做的、每一路新菜色?

李月梅：[唸唱] 哎呦，人當然想啊!

江 宇：[歌唱]

無論春天、夏天、秋天、寒天，

我攞毋願佢你分開啊!

李月梅：[歌唱]

無論春天、夏天、秋天、寒天，

我攞想欲佢你不分離!

李月梅佢江宇：(兩人牽手深情對望)

李月梅佢江宇：[歌唱]

因為有你，

寒(Han7)冬袂寒(kuann5)；

因為有你，

不再驚惶；

因為有你，

別無所求；

因為有你，

心有所依!

李月梅佢江宇：(兩人唱煞《因為有你》了後，佢其他的人唱《因為有你》的時

陣跳舞)

除了李月梅佢江宇以外的眾人：[歌唱]

因為有你，

寒冬袂寒；

因為有你，

不再驚惶；

因為有你，

別無所求；

因為有你，

心有所依！

李月梅佻江宇：(兩人跳完舞了後，牽手深情對望)

除了李月梅佻江宇以外的眾人：[歌唱]

你是我永遠的唯一，

你是我永遠的唯一！

我願意，

我願意，

佻你做伙，

譜出幸福的歌詩！

除了李月梅佻江宇以外的眾人：(唱完《因為有你》佻《幸福的歌詩》了後，佇

李月梅佻江宇咧唱《幸福的歌詩》的時陣跳舞)

李月梅佻江宇：[歌唱]

你是我永遠的唯一，

你是我永遠的唯一！

我願意，

我願意，

俾你做伙，

譜出幸福的歌詩!

.....劇終.....